



ORENDAIN'GO UDALA

Tnoa. - Faxa: 943 65 40 64

20269 GIPUZKOA

ORENDAINEN HILETA EDO OMENALDI ZIBILAK EGITEKO ORDENANTZA

ATARIKOA

Estatu ez-konfesional eta laiko batean, erakundeek pertsonen eta elkarten askatasun ideologiko eta erlijiosoa eta gurtzarako askatasuna bermatu behar dutela gauza jakina da gizartean, eta horretarako muga bakarra legeak ezartzen duen ordena publikoa errespetatzeko beharra da. Bestalde, gure gizartean aniztasun ideologikoa, erlijiosoa eta kulturala da nagusi, gizarte plurala baita, eta ohituren eta ekintza sozialen adierazpenak etengabe ari dira aldatzen.

Hil ondorengo hileta edo omenaldi zibilak egiteko behar soziala erlijiorik gabe bizitzea aukeratu duten herritarrei zeremonia duina eta pertsonala eskaintzeko beharretik sortu da, herritar horiek bizitza ulertzeko duten modua errespetatzeko.

Gure gizartean edo herrian bertan elkarren ondoan bizi diren erlijioek hildakoei agur esateko liturgia-ekitaldiak egiteko toki edo tenpluak dituzten bezala, Ikaztegiatako Udalak gizartean gero eta eskaera handiagoa duen behar bati erantzun behar dio.

Ordenantza honen helburua, beraz, Ikaztegiatako gizarte zibila osatzen duten familiek, adiskideek, erakundeek edo taldeek beren hildakoak omentzeko edo horiei agurtzeko egin nahi dituzten ekitaldiak baimentzeko arauak ematea da, hala, pertsona horien ekarpenak edo balio etikoak edota gizatiarrak onartzeko.

I. KAPITULUA XEDEA

1. artikulua.

Ordenantza honen xedea Orendaingo udalerrian hildakoei hileta ospakizun edo omenaldi zibilak egiteko udal lokalen edo espazio publikoaren erabilera eta baimena arautzea da.

II. KAPITULUA BAIMENA

2. artikulua.

Alkateak edo hori ordezkaturako duen zinegotziak hileta edo omenaldi zibiletarako gordetako espazioak erabiltzea baimendu ahal izango du, betiere, senitartekoak edo dagokionak Orendaingo Udaleko erregistroa bidali



ORENDAIN'GO UDALA

Tnoa. - Faxa: 943 65 40 64

20269 GIPUZKOA

beharreko agiriak jaso ondoren.

III. KAPITULUA PROZEDURA HASTEAN

3. artikulua.

Hileta edo omenaldi zibilak egiteko eskaerak Orendaingo Udaleko Alkatetzara zuzenduko dira, eta azaroaren 26ko 30/1992 Legeak, Herri Administrazioen Araubide Juridikoaren eta Administrazio Prozedura Erkidearenak, zehaztutako edozein bide erabili ahal izango da horretarako.

4. artikulua.

Hileta edo omenaldi zibilak egiteko eskaeren izapideak egoera horrek beharrezkoa duen berehalakotasun printzipioaren arabera arautuko dira, eta horretarako eskumena duen pertsonari igorriko zaizkio, ebazpena eman dezan.

5. artikulua.

Egingo diren eskaeretan honako datu hauek adierazi beharko dira:

- a) Ospakizuna egiteko baimena eskatzen duen pertsonaren izen-abizenak, helbidea eta identifikazioa.
- b) Hildako pertsonaren izen-abizenak eta Heriotza Ziurtagiria.
- c) Eskaeran hileta edo omenaldi zibila zein egunetan eta zein ordutan egin nahi diren adierazi behar da.
- d) Oro har, ospakizun hauek Orendaingo pilotalekuan egingo dira..
- e) Administrazioak, ahal duen neurrian, eskaeran zehaztutako eguna, lekua eta ordua errespetatuko ditu, eta eskaerak egin diren ordena hartuko da kontuan horretarako. Ordena hori aldatu ahal izango da aparteko kasuetan eta horretarako arrazoi nahikoa dagoenean.
- f) Eskaera egin den lekua eta data.
- g) Eskatzailearen sinadura edo haren borondatearen egiazkotasunaren egiaztagiria, edozein euskarritan.



ORENDAIN'GO UDALA

Tnoa. - Faxa: 943 65 40 64

20269 GIPUZKOA

h) Ekitaldiaren deskribapen laburra, eta beharko duten materialarena (megafonia, mahaiak, aulkiak, etab.)

6. artikulua.

Eskaerak aurreko artikulua zehaztutako baldintzak betetzen ez baditu, interesdunari lehenbailehen eskatuko zaio akatsa zuzentzeko edo aurkeztu beharreko agiria aurkezteko, ekitaldiaren aurretik edo ondoren.

IV. KAPITULUA PROZEDURAREN INSTRUKZIOA EGITEA

7. artikulua.

Hileta edo omenaldi zibila egiteko eguna, lekua eta ordua Alkateak edo horren ordezkari zinegotziak zehaztuko du, espediente bideratu ondoren.

Instrukzioa eskaerak aurkeztu diren ordena zorrotzean egingo da, eta, bestalde, ahal den heinean, eskatzaile bakoitzak zehaztutako lehen ordena errespetatuko da. Aparteko eta presazko beharrezko objektibo baten ondorioz, gerta daiteke eskaerak aurkezteko ordena ez errespetatzea. Dena den, aparteko eta presazko beharrezko gertatzeko nahikoa arrazoi izan beharko da, eta beren eskubideei eragiten zaienean pertsona horiei entzun egin beharko zaie.

8. artikulua.

Eskaera egin ondoren, Alkateak edo horren ordezkari zinegotziak hileta edo omenaldi zibila Udaleko zein gune edo lokaletan egingo den erabakiko du; oro har, hileta edo omenaldi zibila Orendaingo pilotalekuan egingo da. Aparteko izaeraz, beste lokal edo gune publiko batzuk erabiltzea baimendu ahal izango da.

9. artikulua.

Hileta edo omenaldi zibilak astelehenetik igandera ospatuko dira, eta beharrezko udal baliabideak zuzenduko dira zeregin horretarako.

10. artikulua.

Hileta edo omenaldi zibila ospatzeko ordutegia ondokoa izango da: 17:00etatik 20:00etara. 60 minututan gela hutsa gelditu beharko du.

III. KAPITULUA ESKUBIDEAK ETA BETEBEHARRAK



ORENDAIN'GO UDALA

Tnoa. - Faxa: 943 65 40 64

20269 GIPUZKOA

11. artikulua.

Udal lokalen zainketa egokia bermatzeko, zeremonian parte hartuko dutenek ez dute berorietan kalterik edo galerarik eragin dezakeen inolako ekintzarik egingo.

12. artikulua.

Hildakoaren senitartekoek edo adiskideek Orendaingo pilotalekuan zeregin horretarako gunea apaindu nahi badute edo modu bereziren batean egokitu nahi badute, aurrez eta nahikoa denboraz Udaleko arduradunari horren berri eman beharko diote, hartu beharreko erabakiak har ditzan; hala ere, lekuaren harmonia eta ezaugarriak errespetatu beharko dituzte beti, eta sor daitezkeen gastuak beren gain hartu beharko dituzte. Ekitaldia egiteko zerbitzu osagarriak interesdunaren kontura eta kargura izango dira, baina, betiere, Orendaingo Udalak ikuskatu ahal izango ditu.

13. artikulua.

Eskaera egiten duen pertsonak hileta edo omenaldi zibila egiteko espazio publikoa erabili nahi badu, eskaeran hori ere zehaztu beharko du. Udalak erabili nahi den espazio publikoa hesituko du, lehenago zehaztutako eskubideak eta betebeharrak betetzen badira, betiere.

14. artikulua.

Ordenantza honetan aurreikusten ez den edozein alderditarako, udal arduradunen aginduak hartuko dira kontuan.

XEDAPEN GEHIGARRIA

Orendaingo Udaleko Alkatetzari ordenantza hau aplikatzeko egin beharreko jarduketa guztiak egiteko ahalmena ematen zaio.

AZKEN XEDAPENA

Ordenantza hau behin betiko testua Gipuzkoako ALDIZKARI OFIZIALEAN argitaratu ondorengo egunean jarriko da indarrean, eta Udaltzarak berau aldatzeko edo indargabetzeko erabakia hartu arte izango da indarrean.